

# Futurum 09

## La segunda Fiera dla Furmazion de Südtirol

dai 10 ai 13 de dezember 2009, dala 9.00 ala 18.00, Fiera de Bulsan

### DANORA

La ufiertes de furmazion y istruzion te Südtirol ie riches y scialdi defrenziedes. Les tèn nce cont dl marcià dl lèur te nosta provinzia y de si bujens a nivel economich. Y l ie iust chësta richëza de ufierta che ne ti l fej datrai nia saurì a jèunes y jèuni y ai genitores de cri ora la drëta scola. Per na dezijion che vede bèn vëj la istituzions dla scola y dla furmazion danora na lingia de mesures de sustèni y de consulënza. Tlo leprò toca da una pert l urientamënt tl cheder dla scola de ublianza (scola mesana) y dla scola segondera (scola profescionela y scola auta) y dal'otra i servijes de cunsulënza profescionela y scolastica dla Repartizion per la Promozion dl stude. Oradechël ie nce la mesures defrëntes da pert dl' associazions economiches (LVH, HGJ, HGV) ntan l ann de scola, tl cheder dla scola mesana, scumenciadives mpurtantes n cont dla nformazion y dla consulënza, y sambèn nce i dis dla portes daviertes tla scoles y duta la manifestazions de nformazion fates a nivel raionel.

**Te chësc cuntest semiovel de mpurtanza y de utl mustré su tl cheder de na "fiera" la ufierta de duta la istituzions de furmazion, istruzion y educazion y la carieres de furmazion y de istruzion dala scolina al'Università.**

Sun ncëria dl Assessëur per la Scola, la Furmazion profescionela, la Promozion dl stude, l'Università y la Nrescida da ntlëuta, l dut. Otto Saurer, à i respunsabli per la scola, la furmazion profescionela, la promozion dl stude, l lèur y la cultura metù a jì **la prima Fiera dla Furmazion de Südtirol FUTURUM 07**, che ie unida tenida dai 22 ai 25 de nuvember dl 2007. La Fiera fova oradechël acumpañada da n program de njonta scialdi nteressant sun tematiches revardëntes la furmazion y l'economia tl zënter di cungresc dl Hotel Sheraton.

La gran cumpëida de vijitadëures pra la prima Fiera dla Furmazion ie stat n sèni che l nteres dla jënt per l'istruzion y la furmazion ie dassënn grant. Daviadechël se àn mpensà de mèter a jì chësta fiera da moïnà uni doi ani.

**La segunda Fiera dla Furmazion de Südtirol FUTURUM 09** ie dan puech unida autoriseda dala Jonta provinziela y vèn urganiseda dala Repartizion Promozion dl stude, Università y Nrescida n culaborazin cun l'aministrazion dla scoles, la gestion dl marcià dl lèur, la gestion dla cultura y l'associazions economiches, l Istitut per l Sustèni dl lèur y l Istitut de Nrescida economica dla Camera de Cumerz de Bulsan.

La unirà tenida da n juebia, ai 10 de dezèmber nchin a n dumènia, ai 13 de dezèmber 2009, dala 9.00 ala 18.00 tla Fiera de Bulsan. La Fiera dla Furmazion unirà nce chëst iede acumpañeda da n program de njonta scialdi nteressant.

## CUNZET

La Fiera dla Furmazion à dantaldut n carater de nformazion y urientamënt. La ne rempiazza nia la mesures de cunsulënza y de urientamënt singules ti luesc y tla scoles singules dla provinzia, **ma la uel propi pité na ududa generela sun la ufierta tl ciamp dla furmazion te Südtirol y nce oradecà.** La Fiera dla Furmazion ie da udëi coche pert dla promoziun furmativa. L cunzet "Fiera dla Furmazion" ie unit cris ora cusciëntmënter cun l pensier dovia che nce la furmazion y l'istruzion à de bujën de promoziun.

## GRUPES ADRESSEDES

La Fiera dla Furmazion ie adresseda a duta la trëi grupes linguistiches:

- sculées y sculeies dla scola mesana, auta y profescionela,
- studëntes y studënc universiteres
- genitores
- nseniantes y nsenianc, educatëures
- mòstres y mòstri, tutores tl'aziendes
- persones tl mond dl lëur
- mprenditëures
- persones adultes nteressedes

## URGANISAZION

Istituzions y ënc de duta la trëi grupes linguistiches: Repartizion Promoziun dl stude, Università y Nrescida adum cun la Repartizioni Furmazion profescionela, la Ntendënzes dla scoles, i Istituc pedagogics, la Repartizion Lëur, la Repartizioni Cultura, i Istituc de Mujiga, l Istitut de Promoziun dl lëur (AFI), l Istitut de Nrescida economica (WIFO) dla Camera de Cumerz de Bulsan, l'Assoziacion provinziela di artejans (LVH), l'Assoziacion di mprenditëures, l'Assoziacion per l Cumerz y i Servijes (hds), l'Assoziacion di hotelieres (HGV), l USEB, l 'Assoziacion di paures (Südtiroler Bauernbund), l' EURAC, la Fiera de Bulsan y nsci inant.

## METÙ A JÌ

Dala Jonta provinziela

# MIRES

## La Fiera dla Furmazion dèssa:

- sensibilisé duta la populazion al valor particular dla furmazion y istruzion y pité na plataforma de nformazion per ti prejenté a duta la persones nteressedes na panoeamica dla ufiertes de furmazion, che ne fina nia cun la scola, ma che va inant tla vita profesciunela;
- prejenté na sort de cherta geografica dla furmazion, sun chëla che l vën mostrà su la carieres scolastiches y furmatives cun la cualificazioms respetives;
- nformé a na maniera pusciblmënter prezisa n cont dla carieres istrutives y furmatives defrëntes (p.e. la cariera furmatif-istrutiva per diventé dutor/dutora, architet/architeta, mecanicher/mecanichera, nseniant/nsenianta) y les prejenté a na maniera tlera zënza diventé na plataforma de publizità y de venduda per la scoles singules;
- reprejenté la sortes de scoles cun si cuntenuc y nformé sun la lueges de chësta scoles;
- nformé la studëntes y i studënc che fina via la scola auta n cont dla pusciblteies defrëntes de jì inant cun si istruzion y furmazion (Università, Scola spezialiseda, cursc UE, cursc cumpac y n. i.)
- mustré su carieres de istruzion y de furmazion permanënta per persones adultes y la pusciblteies liedes limpea (mparé per duta la vita);
- pité dantaldut nformazion plu che urientamënt.

La prejënza dla Repartizion Lëur y dl Istitut de Promozion dl lëur (AFI) adum cun la ufierta dl marcià dl lëur di setores profesciunei singui y dl raion di servijes, sciche nce la prejënza dl'Economia tres si associazions defrëntes ie pert ntegrela dl cunzet dla Fiera dla Furmazion, pervia che la va de reprejenté l marcià dl lëur y dl'economia y de mustré su cie pusciblteies de lëur che l ie te Südtirol y ciuna cualificazioms che ie de bujën.

Te chësc cunttest sarà nce reprejentedes la istituzions de nrescida de Südtirol sciche l'Università y l'Academia europeica. Oradechël sarà nce prejëntes la istituzions dl ciamp dla furmazion y istruzion post-segondera, p.e. la furmazion auta tecnica tres la scoles profesciuneles de istruzion auta y la Universiteies de Südtirol, dl'Austria y dl rest dla Talia.

## CUNZET DIDATICH

Per i **sculeies y la sculées**, che vën tla Fiera dla Furmazion cun si nsenienc y genitores, iel de mpurtanza giapé nformazioms genereles y tl medemo tēmp defrenziades n cont dla ufierta de furmazion tla scoles autes y profesciuneles te Südtirol.

L ie unì njinià ite "ijules de furmazion" per tematiches defrëntes, ulache la sortes singules dla scoles autes y profesciuneles ie tlassifichedes aldò de raions disciplinei (p.e. ie l lizeum artistich, la scola d'Ert de Gherdëina y la scola profescionela provinziela per l artejanat artistich tla medema ijula de furmazion "Ert"), acioche i/la vijitadëures posse se nformé n cont dla ufiertes defrëntes y cunëscer

defrënzes, caracteristiches paraleles y pusciblteies de passaja da una scola al'otra.

Tla ijules de furmazion vëniel prejentà duta la scoles autes, profesciuneles, la furmazions di lerner, i cursc y la lies che pieta furmazion y istruzion te n cër ciamp. Mira dla ijules de furmazion ie dantaldut chëla de prejenté duc i raions dla furmazion scolastica, p.e. la scola auta, la scola profesciunela, l lernerat y nce la sortes de scoles coche p.e. i Istitut Tecnic Cumerziei, i Lizeums y Istitut de furmazion.

Per la **persones adultes** ie la ijules "Ajurnamënt Profesciunel" y "Cultura y Furmazion permanëta generela" de nteres particular. Tlo possen se nformé n cont dla sortes defrëntes d'ajurnamënt y furmazion permanëta tla vita profesciunela y privata.

L'ijula de furmazion "Scolina" y l'ijula de furmazion "Livel primer (scola elementera y mesana)" pieta consulënza a **genitores** n cont dla theories pedagogiches defrëntes, di svilups y dla tendënzes educatives tla scolina y tla scola de ublianza y pieta na vijion sun tematices de mpurtanza coche p.e. sun l'autonomia de chësta istituzions educatives, l mparé rujenedes, la ntegrazion de mutons y mutans cun handicap, la ntegrazion de mutons y mutans cun sperienzes de migrazion, la technologies de comunicazion y nformazion, la theories didatices particuleres y l mparé tl lauratuere.

Tla tabela tlo dessot iel cumpedà su te n orden alfabetich la **18 ijules de furmazion**. Te chësta lista "d'ijules" iel reprejentà duta la pusciblteies de furmazion de Südtirol.

### **18 ijules de furmazion – ciamps tematics dla Fiera dla Furmazion:**

- Agricultura, natura, ambient
- Ajurnamënt profesciunel
- Alimentazion, economia de cësa
- Cultura, furmazion permanëta
- Edilizia, nstalazion
- Eletronica, eletrotecnica
- Ert, mujiga, grafica, media
- Lën
- Livel primer (scola elementera y mesana)
- Matematica, fisica, sciences natureles
- Nfurmatica, tecnica de rë
- Njenieria mecanica, mitel, mecanica
- Pedagogia, soziel
- Sciences economiches, cumerz, aministrazion
- Sciences filosofiches, rujenedes
- Scolina
- Sport, wellness
- Turism, alhierch

A duta la tlasses dla scoles mesanes de Südtirol ti vèniel mandà cuestioneres y julantins cun nformazions sun la Fiera dla Formazion, acioche i sculeies y la sculées posse, adum cun si nsenienc y nseniantes, se njinië ca per la Fiera dla Formazion.

Ora dla ijules de formazion iel oradechël mo nce na "**mediateca**", ulache duta la persones nteressedes possa giapé nformazion, orientamënt y consulënza tl ciamp dla formazion, istruzion y educazion.

Tla mediateca ie chësta istituzions de duta la trëi grupes linguistiches reprejentedes cun n si stont:

- Consulënza per l'istruzion y la formazion profescionela
- Assistënza scolastica
- Nformazion de stude y promoziön de stude
- Istitut de Promoziön dl lëur (AFI)
- Istitut de Nrescida economica (WIFO) dla Camera de Cumerz
- Zëntri de valutazion
- Repartizion Lëur
- Ntendënzes dla scoles
- Istitut Pedagogics

Cun "**stonc**" singui se prejentea nce pitadëures privac tl ciamp dla formazion y istituzions istruzion y de formazion defrëntes.

- Universiteies de Südtirol, dla Talia, dl'Austria, di Paejes Tudësc
- Istituzions de nrescida
- Istituzions de formazion permanënta
- Istitut de mujiga y conservatoresc
- Istituzions europeiches
- Comitac provinziei de sculeies y sculées
- Servijes publics (servisc ulenter zevil y soziel, studafuech, milliter, polizai, finanza)
- Scoles de rujenedes
- Ministere dl'Istruzion, dl'Università y dla Nrescida
- Editëures y agenzie de viac tl ciamp dla formazion
- auter

**L'Universiteies** ie reprejentedes cun n si stont, ulache les prejentea si ufiertes de stude y la faculteies dajan n general nformazions sun l stude universiter y la puscibleies defrëntes che l'Universiteies pieta al didancuei (dal stude de basa al laureat spezialisà nchin al dottorat de nrescida y la formazions master.)

Pitadëures privac tl ciamp dla istruzion y formazion, istituzions de formazion permanënta y scoles de rujenedes nfurmea sculeies y sculées, studënc y studëntes y persones adultes n cont dla ufiertes de formaziön permanënta persuneles. Tlo uderan che la formazion permanënta y dla persones adultes ie na continuazion dla formazion y istruzion da giut scumenceda y nia zeche a pert, zeche de destacà (rentegrazion tl mond dl lëur, recualificazion, mparé per duta la vita).

**Istituzions de nrescida, istituzions europeiches, servijes publics y I Ministere dl' Istruzion, dl'Università y dla Nrescida** prejenterà si ativiteles y ufiertes y sarà a despusizion per respuender ala dumandes di/dla vijitadëures.

L cheder istrutif-furmatif unirà oradechèl cumpletà dai **editëures** spezialisei sun material didatich y software istrutif, ma nce dala **agenzies de viac** spezialisedes sun viages de rujeneda, stude y cultura.

## **PROGRAM DE NJONTA TL ZËNTER CUNGRESC**

La Fiera dla Furmazion pieta la miëura cundizions per ti prejenté al publich, tl cheder de n **prugram di cungrusc**, i svilups tl ciamp dla furmazion y sun l marcià dl lëur y dl cumerz, la puscibleies de furmazion y respostes a uni sort de dumandes dl publich.

Perchèl iel tl medemo tèmp dla Fiera dla Furmazion, **dala juebia, 10 de dezëmb** **nchin ala sada, 12 de dezëmb** **2009**, ti selfs de cunferënza dl Hotel Sheraton, referac, workshops, descuscions de gran nteres sun tematiches economiches y dla furmazion.

Nce tla Fiera nstëssa uniral pità ntan duc i cater dis n **program de njonta** nteressant che tol ite cunzerc, prejentazions, descuscions y premiazioms.

## **TERMINN**

La segunda Fiera dla Furmazion "Futurum 09" unirà tenuta da n juebia, 10 de dezëmb nchin n dumënia, 13 de dezëmb 2009 dala 9.00 ala 18.00 tla Fiera de Bulsan.

L program de cungrusc vën dejëut da n juebia, 10 de dezëmb a n sada, 12 de dezëmb:

Ju, Ve y Sa danmesdi: dala 9.00 ala 12.00

Ju y Ve domesdi: dala 14.00 ala 20.00